

歷代 日記叢鈔



學苑出版社

歷
代
日
記
叢
鈔

第八冊

庚辰歲

正月初一日奉老母於新居祀神畢脩賀歲之禮與諸兄弟步行再作復林父母書
寺禮佛歸小憩賀族人歲及暮乃歸

初二日偕兩兒及貌姪至桐山及梅里尖拜祖墓攜得梅花一本晤胡大兄于墓菴訪
程鐘律王雲岫及諸隣皆不值歸陳介圭已待卽晤之又晤劉石林及其子姪作書
復甯方兄

初三日同內人至寓山觀梅于梅坡坐咸暢閣作書復林孟木父母午飯後卽歸值雨
再作復林父母書

初四日得李洧磐書從報房傳出致兩堂翁意促予北上作書與姚玄叔商出處之道
又作書復其令兄虞工先是虞工得寓山志重刻之遍索品題亦此君一段高懷也
燈下作書復侯豫瞻

初五日發舟繇南塘至岸偏門步入謁上下城隍神及先聖至大園買盤梅一本更欲
祁忠敏公日記 感慕錄

以小舟入城中道返適德公季超兩兄向化鹿山遂入予舟夜行遇雨是日舟中作書復陳學海

初六日同兩兄入顯聖寺謁爾密禪師齋罷以肩輿入山遇雨予幾傾跌至化鹿菴值李子諧同孫友謁三宜師遂同三宜坐談出飯于裘姓家返道從山民乞梅花數本舟行及城遇大雷電風雨比曉乃抵家

初七日雨種梅作書候江邦玉爲探之約遣奴子過武林

初八日霽風色甚勁與內子入城便道訪陳長耀先抵外父舊宅緝菴諸兄出迎飯罷乃至新宅候外父宿于聽松軒風聲徹夜

初九日曉起賀外父壽素齋于詠離堂暇則共閱說郛別歸偕陳長耀買燈于市歸途逆風夜行甚苦比抵家欲出寓山不果

初十日雪何芝田以賀歲至季超兄舉酌來澤蘭過訪留晚飲談長安舊事令人感嘆澤蘭且爲予推命以決出處之道

十一日霽與內子兩兒諸女出寓山設酌延吳期生翁艾弟陪之老母同商家姑出觀戲予宿于咸暢閣

十二日還家預文昌社候諸舅父至卽出山延陳長耀陳振孟陳繩之適趙應侯亦至同舉酌再晚酌于咸暢閣各拈梅花詩佐酒月色甚皎共步鐵芝峯乃宿諸兄于爛柯山房

十三日共諸兄謁後村廟土神卽觀村社較往日頗盛中途值王雲岫比入寓山遊人闐集老母坐咸暢閣觀之董天孫過訪薄暮攜家歸與陳長耀振孟繩之晚酌花燈下夜雪

十四日雪未已陳長耀更懸燈廳事前作書復程魯生董持阿予數日來患齒痛是日最劇晚與兄弟治觴奉季父

十五日雪更甚邀族中後進能操觚作文者凡十人眉兒亦預其列試題爲後生可畏二句薄暮爲之評閱老母觀燈予獨與季超兄坐談商出處之道甚以土木頻興爲

悔

十六日大雪設春酒奉老母諸兄弟皆預午後演戲趙應侯張道岸令郎來觀戲留茶于內書房是日以齒痛延醫灸耳穴卽留醫者宿作書與倪鴻寶

十七日大雪筆硯皆凍閱聖學宗傳午後出寓園坐遠閣及咸暢閣觀雪景甚奇獨吟未就閱知儒編數則歸

十八日雪稍霽諸兄弟設春酒奉老母予先出中梅後梅訪客舉觴後再出登眺于彤園隱閣西至西澤土橋訪客歸途值雪子大如豆

十九日雪未已雨繼之邀何芝田王雲岫雲羸潘敬渠鳴岐翼明程鍾律沈堯俞趙伯章令郎王子遠子昌兄弟作歲會齊企之適至予兄弟皆預焉優人晚至演綵樓記四鼓乃散是日得姚玄叔回札爲予商出處之道婉曲詳盡意甚感之

二十日得倪鴻寶回札與季超兄邀何芝田出寓山設五簋於咸暢閣微雨後轉甚冒雨歸紫芝軒小憩起諸兄弟設戲奉老母予共觀幽閨記是日以林父母公札遣奴

子渡江

二十一日作字邀陳長耀午後復大雪閱聖學宗傳及十六國春秋課眉兒作文

二十二日天霽見日出寓山值齊企之至彤園王雲岫出訝遂舉小酌陳長耀亦至共登松亭飲醉而別

二十三日作書迎王園長公祖又作書復鄭鴻達公祖頌其所輯日纂更以禁關說禁通番二事言之錢溪雲過訪留飲內書房午後與陳長耀出訪張道岸從劈石廟潘澎湖歸蓋柯山之背也日將沒風色甚勁

二十四日又同族衆推舉族長房長送族中子弟拜義學師學徒甚衆因分爲二師草致鄭公祖札完予體倦時晝臥先令奴輩移器具於寓山予與內子薄暮出宿於八求樓下

二十五日早得王園長公祖書聞其將至出於堰下迎之值吳期生設席舟中遂與同至寓園登臨旣罷舉酌四負堂王公祖善堪輿隨處指點至柯園密園皆遍覽焉又

至予新宅談吉凶之理甚晰及暮始別予仍出寓山宿

二十六日微雨竟日令工匠整南樓爲陳長耀卜居閱城守書令陳繩之謄抄分撥莊奴各洒掃之地又同無迹師分撥莊奴春耕之田燈下作稟致傅熙宇堂翁

二十七日霽歸省老母值錢溪雲出山作堂翁稟竟午後值商暉吉來訪舉小酌聞朱叔起將至予家遂攜家歸

二十八日於新堂候朱叔起翁艾弟舉酌世經堂予陪之將暮乃別作稟致陳具茨堂翁又致書李洧磐皆言予養母不欲出山之狀是日又微雨

二十九日霽爲翁艾弟婦壽日朱叔起尊闔暨諸女眷至予避之紫芝軒作書與徐心章求其寄諸書函燈下閱戲數齣餘暇閱十六國春秋

三十日雨得鄭壽子書作書與姚玄叔言予志在養母堅不出山以老母及內子命令推算出寓山觀所植枯梅同陳長耀叔姪歸方赴翁艾弟酌聞段含素名增輝者偕商八兄過訪卽晤之又出堰下報謝詢其流賊狀頗悉午後諸僕演戲觀之是日早

鄭兄名弘名祺者自鹽官過訪得鄭端簡公所爲吾學編及古今言諸書

閏正月初一日雨鄒汝功師自姚江至二兒拜師設素齋鄭九華先晚亦自剡中至并邀沈爾襲兄同齋值姚上舍五緯以誣命來訴予恐族中有冒予姓名者因批數語與之得鄭公祖回札因更改前札與言地方之事

初二日霽與鄭九華出寓山同登鐵芝峯點定城守書於咸暢閣

初三日閱書紫芝軒午後與鄭九華至彤園訪王雲岫不值因至戴氏一小圃觀之舟

中閱鄭公今言

初四日得徐心章姚玄叔回書觀袁明遠所推命貌姪從師予求鄭九華督貌姪及朋兒讀書令兒姪并拜九華出寓山見莊奴編籬有持天鵝來者市之放生令莊奴鑿兩鶴翮小憩值潘淡軒過訪留飯午後吳期生見招同翁艾弟赴之便道訪吳雲甫吳期生令弟九兄出陪觀千祥記

初五日同陳長耀入城中途遇雨錢君名之宏者父子晤於舟次飯於弓冶母舅家同

搏九舅商姚江誣命事出晤爾吉舅及雅夷兄又訪客晤潘與偕至夜乃歸舟次閱

十六國春秋

初六日霽弓冶搏九舅來陶去病亦至同訪鄒汝功師罷卽同老母舉酌得潘與偕書
予以一硯托去病求陶氏一隱君刊鑿之遺奴子向妻家乞天目松一株

初七日風雨竟日得許平遠公祖書復之附以陶石梁管霞標兩先生鄉賢爲托前一
晚爲弓冶舅作書復葉成我是晚作書規道瞻姪欲其改圖

初八日與謝天章出寓山種松迴波峙方拈春日泛讓鷗池題欲作五言古崑山朱以
發名集璜者過訪賞顧瑞屏書來以發氣骨清高議論聳豁令人起敬因以予不欲
出山之意告之臨別贈以各刻

初九日觀謝天章陳長耀二詩作書候畢協公父母值隱谷師過訪出近作與觀之齋
罷拉天章陪谷師至寓山修去海棠繁枝遂脩然有韻拈題作七律未就谷師別予
亦與天章歸得見大計外吏報

初十日微雨與長耀入城舟次作七律一首至偏門外吊嚴伯章入偏門訪張介子飯後冒雨訪客至畫壁關廟詢主僧以弓冶舅被累狀晤外父及繩菴內兄再晤夏孔林乃歸遇風舟幾不能前作書候顧瑞屏賀張玉筍

十一日微雨江道閣鄒叔夏二兄過訪出王戡雲倪鴻寶所作公札爲仁和吳父母計挽回留二兄遊寓園歸舉酌於新居午後坐紫芝軒拈韻牌成七絕晚酌乃別

十二日與鄭九華陳繩之出寓山邀王雲岫坐咸暢閣待陳長耀移居午後乃同其令郎振孟攜薪米至予舉五簋於南樓卽其所卜之居也值沈爾襲亦出遊遂同歸燈下作書復姚兢初師及暮安然是日新霽有風晚月色甚佳

十三日於季父處呼道瞻姪以忠言相規且以前所作書與觀之與鄭九華陳繩之出寓山舟中作書復韓君逢禧至山邀長耀探梅于湖南山予便道至蔡家堰訪客再探梅於柯山至彤園邀王雲岫享長耀所設之五簋再小酌於妙賞亭種梅於梅坡歸遣奴子至姑蘇是夜見月

十四日邀陳長耀來欲入城看燈值微雨午後乃霽遂再邀之并偕鄭九華陳繩之沈爾襲同登舟及晚乃至月色甚皎小飲後從火珠橋至橫街又繇北司前水澄巷至大禪寺觀燈飲茶乃歸舟中作書復安蕞卿致邢吉先及外父

十五日雨鄭陳兩兄出代予輸賦稅坐朝來閣閱鄭鴻遠昨非菴日纂獨步至絃圃觀梅又出訪王士美不值午間霽諸兄歸同登舟便道訪候王崑雲病歸及薄暮老母體中稍不安作書邀季超兄出山燈下與謝天章陳長耀作閨元宵五律一首夜大雷雨是日得崇安裘兄仲孺書贈以詩四首及詩刻

十六日雨老母臥疾延醫王培元至何家姊歸問疾予侍醫之暇登樓整書閱北魏書是日濕氣遍於室中器具皆蒸汗如雨

十七日雨陳長耀自山中入城與鄭九華登樓整書何芝田來問疾得王金如書予復之餽之參藥

十八日霽季超兄自山中歸托鄭九華入城市參侍藥之暇仍整書分小說家爲四種

曰說彙曰說叢曰雜筆曰演義分記傳爲三種曰哀輯曰別錄曰雜傳

十九日大風雨延醫張景岳至老母體稍痊季超兄登樓坐話暇整書聞道臺嚴禁優伶甚爲風俗之喜

二十日霽甚寒整書將完數日來予親視藥石以其暇閱北魏史

二十一日侍藥之暇同鄭九華至寶城寺同僧酌砌路築壩事王雲岫無量師以問安老母見顧午後得南關使者戴無維書卽復之且遣奴子過江餽鱸

二十二日奴子從武林來得江邦玉書以手書山居百五十絕見贈且貽以端硯詩扇陸眞如年兄之令郎垂顧得陸眞如及潘葵書留之小酌延醫張景岳至晚得臨海周父母名壽明書又得文學余生曇書

二十三日作書復周父母余文學得屠苑風書惠以寓山七律四首予心氣虛耗之病復發看莊奴接梅分臘梅

二十四日爲族叔作書與邢君旋侍藥之暇閱北魏史整四部彙是日天雨黃沙盈寸

許咫尺晦暝至次夜始開霽

二十五日內子入城省外父爲堵大年作書致楊階平柯癯菴延醫張景岳至整四部彙訖錢溪雲晚至燈下閱北齊史

二十六日無迹師同越崢師過訪謝天章來晤連日有以試事言者峻却之作書致外父呈寓山志

二十七日侍藥之暇小憩午後與鄭九華陳繩之翁艾弟出寓山舟不得前步行田野間共啜茗鐵芝峯時桃花將放櫻桃盛開燈下較正通鑑始末是日得搏九舅書卽復之

二十八日雨老母漸有起色少坐起予時時與嬸母及何家姊在膝前閒談爲娛樂午後放生隣人有贖地葬親者曲從之

二十九日霽文宗許平遠過訪予四辭之不與接見渠傳語力以出山爲勸得鄭鴻逵公祖書傳部札始見促予之旨作書復鄭公祖言不出山之意張景岳延至用藥卽

去晤三宜次賢兩師同鄒鄭諸兄出義學探義學兩塾師是日閱北魏北齊北周帝紀始竣每日午睡時閱正史約是日奴子從吳中歸得張玉筍顧瑞屏陳學海回書得見同時尙論錄輯東林文字

二月初一日宜興任正則兄次公文偕過訪并得路兄之陞書路示以副榜卷鄭九華陪文偕遊柯寓二山同奕遠姪再小酌於紫芝軒別去卽發舟入城是日春分舉祭初二日早抵外父家出拜掃外祖母及外母之墓與陳士任同酌於西施山房歸舟又得鄭鴻遠書布復之再與言地方利病暇則閱外家所借邸報自正月朔起至今及暮抵舍省老母

初三日侍老母出坐中堂三宜師與諸兄弟至越崢予以治藥不去

初四日治藥之暇至寓山飯於南樓王君玄捷與諸友遊山過訪是日山中桃花盛開薄暮乃歸

初五日王士美同陶巨標過訪出劉念臺先生書議爲文宗劉乾所發公函同兩兄及祁忠敏公日記

感慕錄

七一遠山堂原本

謝天章奕遠姪遊寓山歸小酌乃別作書邀外父

初六日奉老母少憩內書室爲劉乾所草公書日來覆閱通鑑紀事中北魏事晚與內子出寓山宿於八求樓下夜風雨桃花半落是日作書候王金如安餽之藥金以八金贈謝天章爲完公帑

初七日霽歸省老母卽至高橋候岳父同怡軒外叔及劉君三人先抵新宅後至寓山舉酌四負堂以小舟遊柯山及彤園王雲岫出設茶相餉登舟再酌送之抵新宅乃別予仍至山宿得總戎馬岡伯書燈下復之

初八日暄熱如初夏歸省卽候商緝菴繩菴暉吉及兩內弟與陳士任亦抵新宅旋至山酌罷遊彤園陳長耀同席再酌舟中抵家而別同長耀出寓山是日得莆中孝廉許君兆進宋君祖燁及鄭福源遊戎書

初九日歸省拜德公兄壽聞張天如至出寓山商家女眷至內子延之予與謝天章共奕南樓薄暮張天如乃同葉行可年兄過訪所攜之友仍在舟中越友有送之者爲

王士美孟子塞王玄趾王升之王標梅劉北生沈予良及奕遠姪同舉酌四負堂登咸暢閣求天如作偕隱處扁言別已三鼓孟子塞亦別諸兄留宿閣上

初十日與諸兄盤桓許時乃別予亦歸先是從前月二十八日起買螺蜆之類放生售者得善價麀至每日所放以百許石計前夜卽有盜去者薄責之與鄭九華放生於寶城寺孫青閣年兄令孫過訪以干謁歸得趙玉淑陸夢佳兩年兄回書又爲作書與吳磊齋又作書復搏九舅劉念臺先生

十一日熟寐解數日應接之勞午後整曲品劇品付繩之膽寫因將疏稿詩草同鄭九華各彙爲一函作書復鄭季公彭本之王士美熱極夜作風雨

十二日風雨得文宗許平遠書作二札復之附書以荐武林越中諸名士并賀其太夫人壽又得方子凡書示以賑獄記事又得王搏九舅書

十三日陳長耀別入城治藥之暇與鄭九華出寓山請無述師放生午後又同鄒汝功沈爾襲出寓山放生歸及暮矣是日霽晚少雨